

228673



卷 四〇五二	卷 四〇五一	卷 四〇五〇	卷 四〇四九
祭字	祭字	祭字	祭字

永樂大典

百四六



71
72
00
7.4

永樂大典卷之一萬四千四十九

西霽

祭

祭文七

知縣宋蘇頌集祭王子敏知縣文 維年月日具官蘇轍謹以清酌庶羞之奠致祭于故知縣奉議王君子敏之靈昔我在宋吾兄在徐若家伯仲來學詩書行義不回詞章有餘我曰可人綴以婚姻既親且友其行日斯伯氏不淑殯于方春君登丙科又敏于政惠于上官民亦不病焉然衆中氣和而正孝友之善中發於誠內具有無以夏孤惻嫁女娶婦期不負兄我居潁川君今陵壟十日稅駕爲我徘徊受法道師不近酒杯我顧君哭自若奚爲踈駒逝矣爲樂何時去我三年遂病以衰失官居汝啓處未安伏枕不興將沒何言有志弗從使我永歎嗚呼尚饗揚誠齋集祭九叔知縣文 嗚呼惟我與公豈如他人族則小疎情則至親名則二人實則一身自幼至壯于學于仕我有公隨公無我棄公唱我和唱同嗜異我少也賤無廬于鄉流離之悲我豈無腸公曰子歸于生我里他邦之人何得留子卜鄰後屋此心嗚知竹林之遊老以爲期別公三年此豈曰久如何

公歸乃在于僊我忽無公。如履失梁。如駕失轡。如涉失航。天子痛哉。為用
 呼天。曰天與善公。胡為然。厥孫柏竹。厥德龜土。厥詩厥文。凡今之獨。天不
 祐公。易付之茲。既曰付之。曷不祐之。西垣南臺。皆公知已。薦口方開。公則
 已矣。我以官拘。會哭則那。寓辭一哀。公乎奈何。尚饗。周益公大全。集。廬陵
 翁知縣文。惟君廉平之政。宜弟之誼。龜勉二年。如一日。夕朝。方聽弦歌。忽
 聞薨。蕭維梓必恭。陳此輩。輒劉漫塘先生集。祭梁節卿知縣文。嗚呼哀
 哉。仕其難於更選。謂墮選坑。而公辛勤積年。亦既班改。作邑人所難。謂負
 邑債。而公拊摩彫瘵。亦既三載。夷塗在前。道行無碍。云胡不淑。而降疾殤。
 跡其平生。勇於為人。而己不自謀。義之為重。而財非所貪。蓋操尚之卓然。
 宜提攜之未艾。而止於斯。嗚呼不興慨。某早托姻聯。屢承規誨。雖死生之永
 隔。想音容而如在。年衰既憊。於奔馳。地遠莫親。於祖載。扶輿解。辭。敢陳一
 酌。庶或享之。公靈不昧。真西山文集。祭慶元張知縣墓文。惟公英邁之
 姿。巍乎其山。立潔白之操。凜乎其淵。際發之於文。則粹然義理之正。扼諸
 有攻。則錫然豈弟之稱。奈何進不獲踐清華之聽。仕退不獲享耆艾之脩。
 齡宜福善禍淫之訓。有時而不可必。抑天之與人。或殊其好惡之情。嗚呼
 哀哉。某之於君。情深義厚。而違真之行。不得執其纁。臨穴之際。不得以拊

其極此所以憫焉於中而不勝自咎也。雨露既滿。愴然懷舊。何以薦誠。唯此卮酒。雖欲見君。掀髯捧腹。一笑舉白。而不可復得。徒想像其平生。有哀涕。其如溜。嗚呼。哀哉。陳音卿貢。憲集路。祭王知縣文。嗚呼。葉縣之政。發源君家。鳬馬不朝。蒼落暮霞。我我青山。等是死爾。腸以送之。不如我同里袁家。齋先生集。祭甥林慶中知縣文。嗟哉。慶中。我心傷感。汝母守志。兩髦是髮。鞠汝誨汝。以苦食淡。幸汝成立。母心奚憾。嗟哉。慶中。生埋蕭蕭。母之室廬。一朝延燒。舅婦寄寓。風雨漂搖。母心懷慶。死于無聊。嗟哉。慶中。汝既孝。只天半奪之。無母奚恃。自茲從仕。情味薄耳。忽夫汝歸。禍乃如此。嗟哉。慶中。孑然一身。賴有伯父。教汝諄諄。胡然一疾。竟爾沉淪。兒方襁褓。見者酸辛。嗟哉。慶中。死生晝夜。汝既遁竊。世俗所詫。汝之不忘。王祥流亞。我心悲傷。寓此一草。王求平先生集。祭楊仁靖知縣文。嗚呼。天之生賢。若將有為。乙而不然。人胡不悲。惟君所秉。柔惠正順。內施于家。外施于政。視人如傷。誠意渾盡。人有七情。君其去六。無好無惡。孰樂孰欲。吾不形於顏。揚志不存於心。曲惟哀獨存。化為畏懼。卑恭謙和。行必擇路。上天之報。意其必豐。如何不淑。官止一同。顧惟飄零。寄托不屬。聞君之訃。志奪氣捐。遙致薄奠。哀情莫宣。魂而有靈。監此誠情。王灼願堂先生集。祭湯敦文文金道。

初公之來老稚歡迎。平昔鄰壤已熟治聲。姦吏重足。良民拊髀。教條一出。坐以無事。轉輸金穀。銜命近畿。急流勇退。公曰懷歸。惓惓名藩。公則歸矣。微病不復。萬事遂已。忠厚之德。敏達之才。不盡天付。竟未大試。公耻自嫌。壽宜千億。僅踰七十。神理誰測。哭者罷市。同詞相吊。奪去良牧。奈此邀徵。公棄我歸。受我此賜。如朱仲卿。永配桐鄉。

縣丞唐權載之集。祭改建昌崔丞文。維貞元十一年歲次乙亥十月朔日。姪女婿起居舍人知制誥權某。謹以清酌庶羞之奠。敬祭于故洪州建昌縣丞崔六伯之靈。伏惟北州茂族。中膺令令。行有枝葉。道無緇磷。居常操和。動不違仁。素履坦坦。閨門申申。子真恬退。張仲孝友。淡而不厭。晦而能久。亦既再命。皆以退閑。天爵之外。視如浮雲。謝病郊園。深辭世紛。運多芝木。家有典墳。心遊杳冥。手植芬蘭。行樂春晚。閑襟日曛。謬忝嘉姻。獲奉深分。曩時上策。旅食江郡。一葦可航。百里而近。長筵式宴。虛室清論。步長無違。琴瑟迭進。仰名教之可樂。見義方之善訓。暇日則多窮年無聞。不耗天理。同乎大順。頃服朝命。言旋帝鄉。畫室出綬。至于朱方。離居未幾。四換炎涼。凶卦忽來。哀何可忘。山川阻遠。情禮未展。化塗淒以無由。惡音徹而在眼。款宴知禮。經也聞詩。昔若婦行。今推母儀。婉彼令姪。承表涕洟。遠

切諸孤之痛。難追世父之慈。有生必化。從古同歎。玄酒清滌。周中水誌。寄懷斯文。于彼臨窆。元昊激支言。集祭樂安縣丞黃從事文。嗚呼公。生於梁長。於梁老於揚。卒於揚。其質厚其氣剛。其見定其行方。始也辟地出蜀。而遊終七辟。世入山而禹山蜀。伊何崎嶇萬里。潔身以去。就祿而仕。入山伊何優游卒歲。陰德以處。得正以斃。辟地以奉陳子之遺。辟世以死張子之辜。清則雖生而不辱。寧則雖死而猶榮。初子識公于通守之庭。聞公為當代。雖人所敬。聽其言論。風旨於是。而信公之名。既而從公於臧令之廳。見公為一邑士民所愛。視其政事。設施於是。而得公之誠。曾幾何時。風震雨凌。公於斯時。蟻蝨小官。蹇蹇于下事。不辭難。又幾何時。地陷天傾。公於斯時。嗟嘆微軀。行行於中。義不受汙。嗚呼。平昔無事。凡百有位。街才華。矜科第。挾崇高。夸寵利。憑陵萬夫。軟脫舉世。及至一旦。茫無寸計。臨難苟免。從風披靡。自說龍蛇。不遑犬豕。胡為乎寒松勁草之心。乃見於下邑。庶幾之庶。如公之志。有隕無貳。如公之節。霜嚴日厲。人知公禍福不動。為一時之勇。孰知公完養有素。非一朝之故。公之劬書者。學寒暑不廢。每憂然於芳草。之艾。蕭公之安居守賤。表裏一致。常怡然於陋巷之簞瓢。公之好賢樂善。心口嗔。恨不即上之青霄。公之憤世嫉邪。辭色峻厲。恨不即肆之市朝。

達新凡之不得慨偷生之不聊爰投迹於隨魅任爭席於牧豕憂患之端
 殆無時而不有動直之氣不與累而俱消外無撓而力毅內有主而神全
 惟其所稟之異所學之正是以雖老益壯雖窮益堅聖人未見剛者如公
 蓋庶幾焉嗚呼如公惟予知予惟公今其逝矣欲見河從有山崇崇有水
 溶溶今其藏矣哀呦何窮冥冥潛德凜凜高風一觴水誥尚鑒予衷
 主簿宋范太史文集祭從叔主簿文某至和之初越來京師叔在樞樞
 茂實日舒嘉祐之末再未赴舉叔始總角從師受書風姿粹美如土之瑜
 熙寧元豐侍行入洛文章論議煒煒卓犖如蘭之苗以至護節如麟之育
 以見頭角如何不歎奎世墮落三十年間如夢一覺嗚呼親則叔尊年則
 姪老誰謂中年又哭壯少人生一世孰謂水冬譬如共行一塗至有先後
 其間脩短竟亦何有惟其不亡是謂不朽尚饗蔡端明集祭河南主簿張
 止夫文謹以薄奠致祭止夫之靈天安仁義而遺賢利其特立君子予
 君子之為無所議道焉唯仁義勢利雖然其中予於所嚮之厚以觀其終
 止夫樂聞仁義之說所嚮雖厚天奪之年予不得觀其終矣嗚呼哀哉尚
 饗劉漫塘集祭梁子重主簿文嗚呼哀哉富貴人所欲患無其基子世
 上卿冠珥我龜早歲承恩綵綬班衣藝闈一鼓奏凱遽歸華堂淨深奠几

雲齊田數千箱園花四圍廬山後前再通瓜期逸駕候駿孰並子馳云胡
不叔而止於斯壽亦所從患無其實子性高明紛華弗迷彼事燕遊酒肉
淋漓或事婦人嗷嗷需呢否亦玩物廢常喜奇市馬駿賞買方不龜子獨
澹然千頃澄陂黃髮兒齒非子而誰云胡不叔而速嫁姪嗚呼哀哉父在
觀志沒觀所為三年無改亦既過之膠柱調瑟更張則宜季季子心厥有
成規尸庭必肅娶妻必稽有出無濫有入無欺戰戰兢兢臨深履危以保
厥家俾成無虧云胡不叔弗究厥施嗚呼哀哉林林而生孰無母慈母懷
自昔曰季馬依結髮為婦比翼連枝所期百年學授齊肩幼子在懷長方
兄嬉家哀婦姑恩是之思某以肺腑截而孩提十載相從誠意畢推言墨
未乾計者在舅月照屋梁尚想容儀臥病江濱寄情一庖紙辭長慟知乎
不知孫甥湖先生集祭沈元授主簿文嗚呼禍淫福善天實宜之回天蹈
壽竟孰尸之鴻濛幽紛吹萬不齊使我蒸人為歎為悲嗟嗟元授生也百
罹孤孽一身凜然自待其未有家風雨塗泥既勤既營賔祭孔時實孝實
敬實直不欺實義實康實篤不死鄉有偉士學者有師以若所負莫量厥
施嗟嗟元授命則爾達半生橋門往來栖栖踴躍一官不及療飢五十有
三何數之歲寡妻稚子有女未笄門戶單寒孰撐孰支嗚呼哀哉自我識

君十六七年我受我兄我期我連好我知我期我以賢其群德德其別情
有憂君之病幸君之痊亦既見止喜悅翩跹曾是不避而隔終天入門捐
軀淚下進泉自古有死今亦何言歎哉一觴鑒我倦倦

縣尉宋錢塘韋驥先生某祭海門牛縣尉文君勇於擒盜約於奉身勤
勞江海之間披染疾瘵之氣嗟然遊去良可嗟悼靈車將行故里何在聊
陳薄奠以慰旅魂尚饗衛博定庵類纂祭張縣尉文嗚呼公之少年氣壓里
閭志有事於四方差攜項乎一隅去閭嶺以長嘯指谷陽其我居曾閱歲
之幾何而坐致乎名與利俱謂將官一日而九遷壽百歲而不渝胡為乎
天之不淑止中道而乃徂嗚呼哀哉孰有能居官如吉仲之嚴且明者耶
孰有能博親如吉仲之義且情者耶孰有能郵孤如吉仲之樂且誠者耶
嗚呼哀哉吉仲之生也勇有餘而嬰物之方慤言甚壯而輕身之不賞今
其亡也衣冠慘其繪事音容闕而莫覩載遺車以在塗悲送客於兩岐有
者在俎有酒在卮能復高歌以自侑說劍以相怡耶嗚呼哀哉尚思言之
耶吾儕姻親相與歲時若肅手門喜見於眉今其往矣終天之思遽道一
傳歌此奠詞嗚呼哀哉尚饗真亞山集祭林縣尉文某往者物守泉
山與形之遊凡等先賢勸末俗有聞於教道者賴君建明為多而貢宇之

增闢亦其始議。及再至而君逝矣。追念昔者為之永慨。哀事有期。輒陳薄
奠。屬君仲氏為薦陳之。靈兮彷彿尚克未辜。休希遠竹。漢文集祭高安林
縣尉文。嗚呼。御月竟止斯乎。一第乃爾不第何如。燈窗勤勤。蚤歲雙字
所幾。成身以慰父母年。瑜六寸。始祿其衣。風木之感。言之涕洟。黃陂而西
柳復爾耳。三易郡侯。非不知已。霜臺一刺。方爾萌芽。春雖有信。梅猶未花。
俄爾書來。以碑撤告。我復其書。僕猶未到。何恙靡已。遽殞其身。扼紳鳴玉。
世界何人。君於交遊。夙有美譽。文室而通。又厄以數。士非備隱。孰不求名。
如斯而已。亦曰有成。人世空花。短長皆夢。底許匆匆。則亦可痛。總惟一慟。
宜達而達。亟酌以告。云胡不悲。清漳集。李公懋。祭長泰陳縣尉文。謹以
清酌庶羞之奠。致祭于長泰縣尉陳君之靈。嗚呼。公白屋以窮儒。力取科
第。作尉于長泰。憤賊之擾民。銳意誅討。力不能抗。卒陷于賊。斷其支體。宛
轉號咷。數日而盡。嗚呼。痛哉。廣東總管韓公。掩捕劇賊。俘戮殆盡。今永嘉
齊葉八高四首級。以告公。比殺公之賊也。又以紙錢百疋。公之家使致其
喪。歸鄉里。且督趣州縣。具實聞朝廷。乞命公之子。以官庶幾慰公千古憤
鬱之氣。嗚呼。公堂有偏親室。有稚子。其將何所託乎。抑有親戚故人。追念
乎素出力以輕其家者乎。不然。有富室大族。感憤義烈。捐金指廩。以救鄉

曲之義者乎嗚呼痛哉人等死耳死於獄死於貨死於姦使其親公之死於職事得無愧乎僕人不能左提右挈以脫公之厄必將鑒公之志誠志節以昌其後公死無愧余言不欺鬼其安之尚饗

教授周益公大全集祭林處仲教授文 維乾道元年歲次乙酉六月戊寅朔十三日庚寅具位劉令猷具位周某謹重以清酌茶果之奠告于處仲教授同年林兄之撫嗚呼君學雖苦詞藻則敷君貌雖瘠志氣則腴一弟起家遊遊亨衢百難隨之寸步崎嶇再終親喪小試師儒談經一年乃與病俱臨食不盡達膳不鮮敗榻頽仍人為君虞君獨謝餐我疾且蘇卒莫能興豈命也夫人生夢幻百年須臾何壽何夭何榮何枯君則往矣傷哉其等男齒未龀女髻未髻弟者酸辛忍聞呱呱情義所敦況於吾徒邀為七閩南負海隅何以再拜瞻墓之楡何以千里撫君遺孤薄酌我酒薄奠我第哭遂江濱目斷橋烏終天之訣已矣嗚呼伏惟尚饗史林楊湖居士集祭王教授文 世之賢而才者少天者亦少少者稀有天胡與之以世之所少世之富且康者多壽者亦多多者易得天胡奪之以世之所多天乎天乎謂止而殞子之賢才閭里惟過鄉丈屬薦愈鈍愈磨一鳴驚人金榜巍巍藍綬拜親 夢聯科相君其知命教以師同日在除兄弟一時喜無

幾何何哀之耶相繼奄忽誰意蹉跎予天子兒子懷之悲予之來弔子嘯
為誰淚下如洗自古有死耳未遑忘子亦為鬼天乎天乎果不可恃予不
子外乎不予鄒探錦索蒙異好賤嗜予之云亡詩成誰寄墓旁可封予將
為文塚而敘夫劉琨嗚呼哀哉尚惟饗之彭止堂集祭戚教授文嗚呼
伯瑞止於此耶一氣聚散抑其理耶散不足憂聚何喜耶而我拳拳悼君
死耶抑有所感不自已耶交遊固多孰若此耶靜而不浮山之歸耶動而
有夏川之逝耶稟氣之全如此幾耶命之不長其誰使耶嗚呼已矣吾誰
咎耶莫寄此哀唯此紙耶嗚呼哀哉伏惟尚饗謝無遠溪堂集祭汪伯史教授
文維政和元年歲次辛卯二月甲午朔十八日辛亥友人濮陽吳琛弟
賀姪興涑陽夏謝逸弟邁顯川陳之奇弟夢國江夏黃涑渤海李端卿濟
陽江野謹以清酌之奠昭告于亡友伯史教授之靈嗚呼哀哉天之生賢
疑若甚艱何生之甚艱而奪之甚速孰若初不生賢而管生不肖庶幾享
其壽考而保其爵祿彼不肖者何德於天而畀之以富貴輔之以康強彼
賢者何負於天而嬰之以疾病甲之以困辱豈禍善福淫者古人之我歟
而蒼蒼者終不可卜耶嗚呼哀哉康莊道長忠義氣塞乘時射利雙節從
俗者滔滔皆是乞食墻間紙舟得車者面有德色故饒邪如山貪墨成市

而莫之救藥。正人端士。無辜顧天。而無與明白。嗚呼哀哉。孰有記問諒博。文章敏贍。如吾伯更之學。孰有忠孝純全。操守堅止。如吾伯更之德。孰有貧賤困厄。而不為利勢所回。如吾伯更之勇決。孰有苦獨入廣衆中。而防患周身。如吾伯更之慎密。人雖無兄弟。孰有如吾伯更之愛敬。人雖無朋友。孰有如吾伯更之諒直。至於晚聞祖師之道。而知死生之說。則伯更之高妙超逸。又非寡聞淺見者之可測。奈何家貧母老。而益之以憂患。妻死無孫。而困之以奇疾。一臥不起。奄忽以逝。而遂有幽明之隔也。嗚呼哀哉。豈其信然耶。豈其傳之妄耶。以為信然。則伯更之賢不應止此。以為傳之妄。則叔野之計。不吾誰也。今舟次于水濱。而旅櫓寄於浮屠。信乎其然矣。則想其平生。思其出處。不知其所如往也。嗚呼哀哉。伯更胡不為我少留乎。胡為遽捨我而去乎。豈不念風搖竹簾。青燈夜寒。讀書而飢吟乎。豈不念野步水東。濯足南湖。焚香清坐於蒲宇乎。豈不念談論古今。鐵鈔得來。慷慨激昂。以為壯乎。豈不念夜飲達旦。抵掌笑歌。詠話嘲誚。以為戲乎。豈不念致君澤民。激濁揚清。相期為立朝之事乎。豈不念買田築室。鑿池種竹。相約為隱居之計乎。若此事之小者。固伯更之不念。豈不念弟妹婚嫁。何以為成禮乎。豈不念老母垂白。何以奉甘旨乎。朋友固不足道也。何思

棄其母弟而不顧乎。嗚呼哀哉。賀將以城南之地葬伯更而助其生事而逸。又狀伯更之行而乞呂氏銘其墓。叔野披薦而逸與之俱行。弟妹昏嫠。深與諸友皆為之調護。諸弟皆欲破節。獨行種學種文。期有所建。立苟或怠墮。荒嬉則朋友交攻而聚罵之。而伯更之靈陰有所訴。居仁書朱欲為伯更立謚。如益東野而逸。以謂私立名號。違相標榜。恐其禍有不測。如東漢之黨。銅況黜光勝迹者。伯更平昔之心。而聲名暴耀者。亦伯更之所惡。伯更之德行卓卓如此。雖不立謚。而名自垂於萬古。琛等與伯更相別之後。髮益白而齒益搖矣。尚有此身。復不知幾寒暑矣。人皆一死。先後不同。伯更之死。已安其死矣。嗚呼哀哉。有酒在觴。有殷在俎。頃屬懷抱。寓此毫素。不知伯更尚能知否。一慟腸裂涕泣如雨。嗚呼哀哉。伏惟尚饗。元蒲道源集祖真董教授紹昌文。惟靈眉山盛族家世書詩。壯歲北徙。以儒業營老成。忠厚心。無自欺誣面。自乾不校。惟雖捐金報李。問天有基。天道不僭。報獲其宜。晚膺一命。為醫之師。瀉氣所榮。吉門可疑。造化終相。痛苦莫施。起居如常。屬續弗迷。七秩有五。恨不期頤。惟我先子。共飲瓊漿。繼以締姻。夫宜人為。亦遽逝矣。重我悽悲。祖真永別。靈其鑒知。

宣教宋復齋先生文集祭周宣教文。惟公厚德。克享富壽。康寧考終。五

福威備而子孫之孝誠所以送終者無不盡其至則公之未嘗終始可以無憾矣惟鄉閭族姻失所宗仰復生小子不復見寬厚長者之規摹疾病困厄者不復蒙所以拯救撫卹與夫銜思慕德者其情皆有所不能自己此其所以家悲人感悽愴慕戀之不能忘也某辱在子蟻而以衰荒衰疾不得與執紼之列痛念不復得見老成敢致薄奠以寓水訣之意康行之省齋文集祭劉宣教文東惟靈蚤中鄉選晚登科名學以苦兢仕則未伸於朋友有信於親族有情高誼大志樂善教人惟予與公情意交深少年為友中年為姻以妙理教我子以至言悅我心思從遊之至久俄凡生之乃念悲公之身有祿而不得終養其母念公之子有祿而不能致養其親何吉士而悖五福之康寧也耶清酌既奠庶羞既陳再拜流涕靈其是歆祭王宣教文安常惟公抱負正學襟期古人詞源倒啖檇筆生春桂籍術裕拔足重塵仕不苟進志在養親雖其所受屈而未伸謂宜闊步行涉要津胡為一疾遽殞其真嗚呼哀哉惜短固有定而公之歎才喻知命之年死生固無憾而公之堂且有垂白之老顧天道之難測而公去之何早嗚呼哀哉恨切九泉痛極終天逝水不返遺言是編惟公之後有子曰賢當益大乎公之門而公於此復何憾焉安常風通閭閻復歸細柳方蒿倚

之是託何哲人之邊僂嗚呼哀哉有酒且旨有俎登筵駕哀一時頌涕潛然公其來歸鑒此拳拳。

學諭宋原行之省齋文集祭范學論文。玉卿竊惟名門冠子衡陽昆弟文譽父子厄科鄉邦所難曾無一憾惟堂前之萱草方榮老萊之斑衣遽爾噫天上之白玉樓成乎地下之脩文郎缺乎。惘然蝴蝶成莊周之夢乎不欲封侯甘赤松之游乎嗚呼哀哉。

總幹宋陳耆卿貧惠文集祭王存道總幹文。嗚呼存道乎足以揮萬字芳不能取一京秩舌足以馮三江芳不能想其窮於造物伊少日之奕邁芳可以攢飛於空間誰牽其翼使下垂芳乃欲達而不達吃賢書之兩登芳且遲遲乎一枝之折餘之以太學之簷壁芳始升名於解褐人意其平昔之抱負芳可以勇行而不親榮之何入眼之青衫芳已不果乎垂膺之白髮沃教雨於洪都芳慰儒生之撓濁屈祖丘而裨軍餉芳疑其不足以有發或曰梯遠而級大方固無嫌於懷屑胡樂命之不融芳履百年於飛雪慨吾黨於膠庠芳早相從而甚悅耳驚聞於不祥芳初甚疑其浪說恍二十里之銘旌芳自湖湘而歸浙乃知君之果死芳欲呼天而執為之徹嗚呼萬事無端芳前途如漆一生英傑芳今丘今穴氣有聚散芳豈問賢

晉文以高酌芳千秋此別

巡官唐李文公集祭劉巡官文

雖元和七年歲次壬辰九月丙辰朔十

五日庚午觀察判官攝監察御史李翱等謹以清酌庶羞之奠敬祭于劉

君之靈我等與君同列賓筵共食偕行歲在遷公事多暇嬉遊自戲柳

垂於某作于塘荷秀于川或泛在水或登在山歌笑不作飲酒終夜腸

往還笑言無虐咸盡其歡若賓極盛時惟壯年宜哉壽考福祿永臻奈何

遭疾集行疾針藥弗瘳日莫返初憂危遽傳長路未極琴書忽捐嗚呼哀

哉堂有老母室有少妻幼男稚女曷本作幼女推男或童或孩發聲悲切

吊者酸懷樹葬舊域隨喪以歸已矣劉君自古如斯有肉一豆有酒一爵

本作豆危我未告某作一別去去長辭嗚呼哀哉尚饗

保甲習忠惠先生集祭保甲於林文親以清酌庶羞之奠致祭于防城保

甲忠義死難之士於君之靈嗚呼哀哉抗卒叛命蕩為賊屠我昔治師恭

行天誅士衆裨驕陰與賊國戰則先遁均為菑蒲爾獨忠義奮然前驅衆

亡彼執怒此賊徒脅使必降誓死不汙裂背髮衝氣豪自如賊畔來之普

射其軀矢如猬毛慢罵如初嗚呼哀哉妾身蹈義得死乃超生氣如在歿

與衆殊瞻彼圓城深愧士夫嗚呼哀哉痛爾酷禍慘傷余膺我實負念致